

III. OUTRAS DISPOSICIÓNS**CONSELLERÍA DO MAR**

ORDE do 28 de xullo de 2020 pola que se publica a redistribución e a ampliación do crédito da Orde do 12 de decembro de 2019 pola que se establecen as bases reguladoras para a concesión, en réxime de concorrència competitiva, de subvencións para investimentos produtivos, incremento da eficiencia enerxética e fomento da reconversión das empresas acuícolas a fontes de enerxía renovables, e para a obtención de servizos de asesoramento de carácter técnico, científico, xurídico, ambiental ou económico no ámbito da acuicultura, cofinanciadas co Fondo Europeo Marítimo e de Pesca (FEMP), e se procede á súa convocatoria para o ano 2020, tramitado como expediente anticipado de gasto (código de procedemento PE205F).

O 27 de decembro de 2019 publicouse no *Diario Oficial de Galicia* a Orde do 12 de decembro de 2019 pola que se establecen as bases reguladoras para a concesión, en réxime de concorrència competitiva, de subvencións para investimentos produtivos, incremento da eficiencia enerxética e fomento da reconversión das empresas acuícolas a fontes de enerxía renovables, e para a obtención de servizos de asesoramento de carácter técnico, científico, xurídico, ambiental ou económico no ámbito da acuicultura, cofinanciadas co Fondo Europeo Marítimo e de Pesca (FEMP), e se procede á súa convocatoria para o ano 2020, tramitado como expediente anticipado de gasto (código de procedemento PE205F).

A mencionada orde establece no seu artigo 3.2 que se poderá ampliar o importe fixado na convocatoria no caso de que exista crédito dispoñible derivado dunha xeración, ampliación ou incorporación de crédito, de remanentes doutras convocatorias ou en calquera dos casos e coas condicións establecidas no número 2 do artigo 30 do Regulamento da Lei de subvencións de Galicia (Decreto 11/2009, do 8 de xaneiro), sen que iso dea lugar á apertura dun novo prazo de presentación de solicitudes, salvo indicación expresa en contrario na orde que se publique para o efecto.

A Orde do 12 de decembro de 2019 ten por obxecto establecer as bases reguladoras para a concesión, en réxime de concorrència competitiva das axudas destinadas ás seguintes accións:

1. Modalidade A: axudas destinadas á realización de actuacións que teñen por obxecto o fomento dunha acuicultura sustentable desde unha perspectiva ambiental, socialmente

CVE-DOG: xwkk1xb0-6uc9-mw58-rop0-fdtzrfwnkd5



responsable, baseada no coñecemento e competitiva (artigo 48, letras a), b), c), d), f) e h) do Regulamento (UE) nº 508/2014):

2. Modalidade B: axudas destinadas a investimentos que aumenten a eficiencia enerxética e fomenten a reconversión das empresas acuícolas a fontes de enerxía renovables (artigo 48 letra k) do Regulamento (UE) nº 508/2014).

3. Modalidade C: axudas destinadas á obtención de servizos de asesoramento de carácter técnico, científico, xurídico, ambiental ou económico, co fin de mellorar o rendemento global e a competitividade das explotacións acuícolas e reducir o impacto ambiental negativo do seu funcionamento (artigo 49 letra b) do Regulamento (UE) nº 508/2014).

O crédito inicial previsto no artigo 3 da orde é o que a continuación se detalla:

Aplicación orzamentaria	Modalidade de axuda	Ano 2020	Ano 2021	Total
15.02.723A.772.2	Modalidade A	4.249.000,00 €	5.751.000,00 €	10.000.000,00 €
15.02.723A.772.5	Modalidade B	200.000,00 €	200.000,00 €	400.000,00 €
15.02.723A.772.6	Modalidade C	15.000,00 €	15.000,00 €	30.000,00 €

Rematado o prazo de presentación de solicitudes da convocatoria compróbase que non se presentou ningunha solicitude na modalidade B e que o crédito inicial da anualidade 2020, das modalidades A e C, resulta insuficiente para atender todas as solicitudes presentadas.

En consecuencia, cómpre realizar unha redistribución do crédito dos importes correspondentes á anualidade 2020 da aplicación orzamentaria 15.02.723A.772.5 da modalidade B, ás aplicacións orzamentarias 15.02.723A.772.2 e 15.02.723A.772.6 das modalidades A e C.

En consecuencia, e segundo o establecido no artigo 30.2.a) do Decreto 11/2009, do 8 de xaneiro, ao existir dispoñibilidade de crédito procedente dunha ampliación, cómpre incrementar a contía máxima do orzamento destinado ás axudas que poderán ser concedidas nas modalidades A e C ao abeiro da referida Orde do 12 de decembro de 2019, coa finalidade de conceder as subvencións ao maior número de beneficiarios posibles.

Por todo o exposto, e de acordo co disposto no artigo 27.15 do Estatuto de autonomía de Galicia, e en uso das competencias que me confire a Lei 1/1983, do 22 de febreiro, de normas reguladoras da Xunta e da súa Presidencia, oído o sector interesado, en virtude



das competencias que ten atribuída a Consellería do Mar en materia de acuicultura, e no exercicio das atribucións que me foron conferidas,

DISPOÑO:

Artigo único

1. Modifícase o crédito destinado ás axudas convocadas na Orde do 12 de decembro de 2019, redistribuíndo o crédito previsto na dita orde para a anualidade 2020 da seguinte maneira:

Aplicación de orixe	Proxecto de orixe	Aplicación de destino	Proxecto de destino	Importe
15.02.723A.772.5	2016 269	15.02.723A.772.6	2016.272	85.000,00 €
15.02.723A.772.5	2016 269	15.02.723A.772.2	2016.271	115.000,00 €

2. Amplíase o importe dos créditos correspondentes á anualidade 2020, destinados ás axudas que se van conceder ao abeiro da Orde do 12 de decembro de 2019, nas seguintes contías e aplicacións orzamentarias:

Crédito	Modalidade de axuda	Aplicación orzamentaria	Proxecto	Ano 2020	Ano 2021	Total
Inicial	Modalidade A	15.02.723A.772.2	2016 271	4.249.000,00 €	5.751.000,00 €	10.000.000,00 €
Ampliado	Modalidade A	15.02.723A.772.2	2016 271	4.574.000,00 €	5.751.000,00 €	10.325.000,00 €
Inicial	Modalidade C	15.02.723A.772.6	2016 272	15.000,00 €	15.000,00 €	30.000,00 €
Ampliado	Modalidade C	15.02.723A.772.6	2016 272	100.000,00 €	15.000,00 €	115.000,00 €

Esta ampliación non dá lugar á apertura dun novo prazo de presentación de solicitudes.

Esta orde producirá efectos a partir do día seguinte ao da súa publicación no *Diario Oficial de Galicia*.

Santiago de Compostela, 28 de xullo de 2020

Rosa María Quintana Carballo
Conselleira do Mar

CVE-DOG: xwkk1xb0-6uc9-mw58-rop0-fdtzfrwntkd5

